

沅湘耆舊集卷第三十八

新化鄧顯鶴湘臯編輯

鄞縣沈道寬栗仲校訂

程子源本 六十六首

本字子源一字或委號權齋華容人著有柿葉園集權齋名不見通志事蹟無可考楚風補稱爲華容明經檢通志及岳州府志選舉門亦不載華容志僅云其性好潔雖在逆旅地絕纖埃門無雜賓與嚴瀨園交嚴詩以清快勝程詩以蒼鬱勝今取兩家詩較之嚴非程匹遠矣平子服膺寒河心摹手追如恐不及子源豪邁自喜一洗竟陵流派五

古託興無端風格迥上近體整贍雅飭尤多悽戾
清愴蒼涼沈鬱之音今柿園集不存於世諸家選
本亦不之及因思吾楚詩人湮沒不傳者多矣豈
獨一權齋哉可慨也已

王監司子京入山見訪投贈

十年江上行委頓江干草已向層巖臥天地先我老豈無
流水彈伯牙不自保足音無所厭孤芳畏枯槁款段入君
門下士始聞道

莫履士會足莫彈貢禹冠升沈各有以心知氣若蘭投珮
來澧浦抗志仰雲端虞卿不發憤窮愁那可寬感君佩萱
草蜀道今匪難

夏日坐松月齋

暑氣撼羣動物象紛不已山居豈不深四顧無靜理鳴蚓
續遠樹蟋蟀將十里鸞鷲飛且逐饑鷹隨復起衆松相怒
號彌夜不能止起視天宇空晶晶月盈泚夏畦已云病子
遺安所恃所甘在蕨薇所慙惟婦子斗酒今所娛秫熟方
知美脈脈百種心離憂從茲始

山家冬日

石田秋未穫町疇今始築幾家併一場相爭遽相睦所獲
已後時何能不悲楚日出昏未歸假寐倚轅輻起視牛背
白始知霜氣肅終年怨暑雨冰雪漸相逐誰實禦冬者營

營事旨蓄

沈氏有書身
卷之三
不慮波臣苦不妨魃鬼虐山田何獨虞風伯聊相薄盈歉
須臾間舉家爭錯愕黽勉輸官倉甘苦同蕭索我食非我
力終年事錢鏹

寄懷劉公言

巖居養微疴芝草自堪把綠徑已生塵晞髮白日下有欲
觀蠖蠕忘情對野馬我餒君不聞我憂何能寫草豸已云
畢誰其好事者

蒹葭帶長川兩情相對深可憐陵與谷倏忽分古今願君
新亭淚化作梁父吟泰山大如礪贈君惜寸陰

花下緝白髮

有生甯不老心知與爾期四十四強仕何爲早見貽今朝

花下鑑得此秋霜
姿折花拂鏡面
鑷髮對花枝
兩兩自終古
悠悠安可思

悲髮白更長
惜花紅更垂
寸寸愁所結
片片風可吹
不堪積憂喜
辭髮與花期
一笑鑷一莖
素絲兩紛披
百年如一日
今日暫相離

偶然作

粟生不貴玉
士滿不貴儒
榛枳滿郊原
萬里罷長驅
一日擔簦出
三步兩踟躕
自知費日月
白首安且迂
侯門儻知音
甯瑟不爲竽

重九前一日坐船子庵

野人兀兀坐船子
愛聽漁歌漾秋水
秋水澄清浸兩涯
漁

歌響答秋聲。裊山僧自是漁家流。不漁不禪坐船頭釣竿
嫋嫋立天際。水靜魚閒僧影浮。船中有酒醒復醉。扣榜驚
魚看魚戲。明朝風雨更重陽。醒把黃花船裏睡。

同尋叟赴耳庵茗集後期

是處足堪裏。惟茲闔可排。一溪衝虎過。三徑與羊偕。落月
顏如見。浮雲跡自乖。醒扶歸路好。空谷已怡懷。

早雪

不料寒無次。如今歲欲殘。負冰松作介。捲雪石移冠。有待
衣誰授。非時褐不完。不知天地閉。只解臥袁安。

獨處

獨處蝸廬廓。幽居鳥道深。疏慵滯物理。跼踖應天心。除徑

憐春草闌窗散夕陰
醉來悲往事
饒得短長吟

石門茆屋自題

惜與巉巖別
還看石路迷
也知非樂土
詎意足幽棲
一水能名讓
全山似姓稽
散愁何處去
炙酒破哀梨

杖策身無賴
手茆術且工
幾年曾廡下
今日復牆東
紙筆從兒好
荆扉任客通
世緣看漸減
容易破牢籠

疏籬存虎落
小築似雞棲
信美惟空谷
忘情可笑梯
賦稱山大小
宅賃讓東西
借問勞生事
新畬雨後犁

晴川樓

歎息此路去
悠悠曾北征
晴樓經雨暗
漢水隔江清
將老悲顏駟
佯狂哭禰衡
馬疲真伏櫪
千里共含情

贈文木生 有序

崇禎庚辰兄文若授蜀太平令癸未木生授蜀南部令
旋苦寇相見於白帝城而兄卒於建始署所木生累官
至太常自南詔歸里黃冠野服訪余於石門拜受兄令
終狀及白帝唱和諧詩相與飲泣感而賦詩

聞道緣天步生還得舊柯龜山甯蔽魯人壽足清河夕照
林如曙瀾迴鷗自波中庭餘雨澣烹待野人過

極目驚桑海飄零尙典型國亡家久破衆醉爾還醒書向
名山續門因捷徑肩誰瞻南極遠咫尺老人星

劍門巖畔去銅柱影邊迴舊策傳三表新詩記八哀天方
憇故老國自棄多材寄傲吾廬好舟車聽往來

雨後觀園

晚霽林園淨秋蔬雨足時
土柔根借力香滿葉添姿
欲折憐方長相培問所宜
東臯聊悵望會與野人期

松栢和李嘗之

惆悵炎何極新秋興轉違
病存蒲柳質陰散薜蘿衣
瑟瑟風難下溥溥露欲晞
鳥聲求自急尙借一枝依
離立自何年枝交或有緣
山中饒勁節物外喜如椽
靜裏秋聲賦愁邊雲漢天
蓬深微有徑羈旅豈私憐

遊四照庵同孫曼凡

積雨蘚苔逕春遊值晚晴
石微泉有態山靜鳥無聲
百折方三里千峯似一城
僧閒初蒔圃客至倚柴荆

雪

何處來寒色
棱棱此暮光
風威時伐木
水骨欲成梁
虎飲前溪坐
僧樵老樹僵
病身隨野鶴
飲啄少餘糧

初度

壯志今猶在
相遭物盡新
投荒憐瑣尾
苟活歎枯鱗
趙服皆公子
南冠獨野臣
韶光如可接
莫遣陌頭春

遊石龍潭寄友人

偶遊非擇地
茲壑實前聞
苔滑甯關雨
衣輕覺有雲
山焚方變色
獸挺各呼羣
望望興難盡
聞蘭更憶君

弟無功復遷山下作此示之

春色滿庭除
經過亦舊廬
谷愚誠可歎
薇淺復難茹
勤解

袖農帙饑參辟穀書故鄉幸未去不敢怨離居

訪友

信步與谿通山寒萬仞空笑來凍雨裏聲振暮雲中善病
妨苛飲工詩畏獨窮幸同年少樂意氣許龐翁

還山示內

來去兼風雨田園蕪已多牛衣吾自惜雌伏汝將那偶爾
忘溝壑平生厭揣摩寸心終可問爭奈白雲何
只作看山計相逢亦問津無名逃易遠有骨屈能伸抱玉
悲無益懷沙志自辛下機聊慰汝舌在儘堪貧

示甥近修

有序

往歲寇逼境姊夫張斯煖結壘東山戰死姊罵賊死夫

勞甥士均弱冠求報讎幾致殺身余傷其志作詩哀之
三年長不鳴知子淚方盈請政翻慙姊牢之賴有甥臥薪
空自苦囊血向誰傾莫道無黃石受書且退耕
欲就朱家去誰將廣柳車廬中時引劍角上獨攜書奇字
能窮我新詩適起余魏舒才不淺卻問宅何如

宿南河渡口

岸餘舟次事蒼黃記得同遊說靖康攜手可堪歌當泣稱
戈不解醉如狂百年沃沃嗟萋楚終古夢夢視彼蒼王謝
堂虛惟燕在故園行且是他鄉

得家兄文若消息

白帝城西舊賊壕亂離何忍見功高驚傳消息脊令喜痛

語荒涼豺虎嗥七日秦庭空有淚十年漢節已無旄忠臣
傳裏淵明是搖落園林待桔槔

同黃元之孫彝叟冒暑訪黎耳庵因同過權齋

谷口鳴騶久見堙幾人阡陌互爲賓忘年未許君悲老入
道先從我學貧揮汗自嘲襦襪子披襟相許葛天民兩隨
詩至山容靄僻路何緣有角巾

題友人新築松月齋

退谷何緣共一枝得亭加好日相期題存甲子歸來後歌
對漁夫獨醒時夜永天心將月借原注太白詩歲寒人事
天借一明月屬松知晚交崔李能同調想見詩成豁所思

贈王生

自注生工
形家言

三十無聞我自癡羨君俠骨畏人知鹿車畢竟歸何處馬
車從今出已遲可笑山川長不語反令鳩鶴得爲師此閒
自有王官谷得子同遊莫載馳

贈熊石疏 有序

熊子貌類山癯目光炯然喜飲酒善病意霍如也初苦
兵再苦寇濱死皆以醉獲免爲諸生久忽遭斥明日戲
就童子試竟得首錄舉場聞之掩口而噱熊子適醉捧
腹向余曰三十三登鬼錄兩日兩試諸生問我醉中供
案提學閻羅賊兵子盍爲我賦之

與君三十復三秋頻死頻生興不休繡佛座前饒米汁癯
仙枕上覓糟邱崎嶇世路猶存骨噉啗人前自掉頭得失

一時終論定虛舟何必問沈浮

春興

閒移短檠護前關處處垂條近可攀爲礙雲山減屋宇卻
依邱嶼止懸蠻饑來得酒腸應別貧到無藜藿亦閒二患
不除先力學誰知周處在南山

自注山
有虎患

宜男種得一庭芳空谷春深日較長怪石兩拳陳座側蒼
苔幾點綴煙傍燒痕過去衣如畫樵路歸來屐有香三徑
不逢頻自語獨留舌本漸閒強

廿年嬾癖世無聞鍛柳還從嬾處勤買犢會須真學稼種
瓜漸可得除葦全家澤畔知能老數卷秦餘幸未焚漫撫
孤龍時一擲劍花何處不乘雲

重構梅庵雪中同諸子落成

結言今始慰離魂
贏得家居髮盡髡
速老此中餘故物
傷心幾許向空門
三春野塢花開市
一谷寒煙世外村
博得攢眉還一笑
虎溪過去卽桃源

聞毛恭則還自西山感寄贈

勿問衡秦與帝秦
祇憐周歷盡陽人
晝當苦短甯辭夜
心自能長不礙身
西蜀地形終失險
大元民物已知新
黃冠脫就文山志
炎午於今肯卜鄰

贈九十翁何星海

自注避寇時居停

岸谷高深事苦多
碩人難老在山阿
瓦盆卻共兒孫長
土室甯知甲子過
反照蒼蒼知氣紫
餘音嫋嫋聽雲和
與君

逆數河清日記得當年帝力歌

擬古

相慰總成悲男兒輕別離出門心已遠不敢問歸期
涼月花上明影較花枝好歡如依花立儂向花影抱
皎月自孤明爲歡照幽獨歡行不負儂何事月相逐

看花雜詠

白玉滿階下聞香知是花爲花留主人花時且在家
三日兩風雨愛花幸未開非願花發遲看花客未來
清晨花上露花重不得飛已如上馬客旣醉遲遲歸
頻手拾花枝花枝入衫領舉首錯問人疑是風吹冷
二月雪始消溪頭聲活活變山作水觀芙蓉在木末

沙洲青集卷第三十一
剝落古苔痕花開幻作身總疑人是石都看石未真

讀史

晉事甯須知者非感恩棧豆愧爲韃蚤知鶴唳華亭好何
不秋乘菰米歸

士衡得死幸無才萬一功成更可哀今日虛名猶在耳買
充何若獨全骸

白望誤國事非輕禍至排牆身並攔有北猶知憎此輩虛
名何地得偷生

僧房雜作

學得枯禪懶賦詩一鐙畏照足心知秋聲帶葉牀頭近半
在聞鐘欲醒時

一榻依僧久不移聞來栽菊傍東籬酒酣時覺香盈座宋
玉何心秋獨悲

鐙夕敖元石座上贈熊子必

原注潛山人辟讎來余
邑與江州黃元之同寓

天井
山

絕谷孤芳老數筠鐙前青眼爲君曛相遭若問髡
向朱家自賣身

幾番獨醉難村酒一見相傾拜散人俠客自來憐
鴻終老要離村

黃金散盡一身寒寶劍摩娑只自看得醉壺公
隨處好誰知夜夜髮衝冠

哭孫子曼几

按曼几名初明孫
子禮中承毅之子

刻意求身事事宜知非忒早古人期吾鄉月日從難定偏
到斯人莫肯非

西岡避暑飲能醉軒新釀

置筵觀星夜共占劇談不下水晶鹽三升更乞公明酒枝
葉橫生應解炎

馴鴿遭狸害

門真羅雀豈相驚只信機心獸且平義府原來刀是笑錯
將石虎作鷗盟

嚴平子首昇二十二首

首昇字平子一名頤字解人華容諸生嘗名其居
曰岸上船衲衣髡頂督學部凌玉呼就試不赴與

同世孫懋兄弟作漢唐宋後三代史書不傳所著
蠟園集亦未見詩染竟陵習氣太深故不多錄

墨山道中

官道明寒月行人夜不稀囊空難借宿家近重思歸汗馬
霜無力枯山風有威道旁列酒肆喜爾醉忘饑

黃鶴樓遇程子源

不料君逢此蒼黃答問多隔年書到否近日事如何登閣
聲通市憑闌影動河敘清相視寂如在聽漁歌

寄懷眉生石龍潭兼索新篇

孤棲嶽畔客渺渺動予思才干窮非偶高僧老最宜葦蘆
聲不絕風雨夜常危脫有山中贈白雲何足持

下第訪白仲清

曾共山中臥十年已在今頗遊天下士信汝獨知音世事
難方悟貧交晚最深人生惟失意容易得同心

飲王嘉生霜葭閣

襜被馱驢背斜陽赴子尋貧高處士價老積救時心諫草
年年改園林漸漸深夜闌相對默如撫未絃琴

舟中

昔秋蜀坂去今夏漢臯還帆影添村樹湖光斷遠山久陰
愁在客多病幸猶閒寇退兵方至誰憐行路艱

雪夜住士先園時移家紅市

身家分地客雨雪共時寒漸老憐心小久陰覺歲殘林塘

疑邵子枕簟足袁安捲幔乾坤合憑闌醉後看

山行

獨步窮幽際盤旋細可尋枝垂花有力巢近鳥無心雨勢
臨山急春容卓午深情移身在海何處肯知音

蟬

仰面動予思閒談爲爾遲不平如咄咄難了是期期高柳
長鳴處斜陽獨曳時憐君非得已清豈欲人知

春日姊夫文木生招飲同家兄孰先士千至先申子
侍家大人舟往

爲有幽人約全家半在舟亂山多近水老樹最宜秋蚤至
妨花落遲歸被竹留病餘艱步履騎馬到船頭

步津者有集卷第三十一
孟倫壻爲予築室山上每至則招故人小集予思移
家其中

終慚轍跡與人通谷口頻來意始同無幾親知投世外有
緣兒女嫁山中衲衣久久皆諧俗竹杖徐徐欲御風似此
行窩便徙宅不煩迎送累兒僮

丙子秋筮得遯之九五後十二年仍筮得本卦詩以

書懷

瞥過燒痕青未青雪殘澗細乍來聽空山九度逢人日大
漢千秋有客星再筮行藏皆得遯漸成廬宅總如萍首陽
獨有薇堪采何事紛紛賦采苓

夏中晤王山長於天岳友秋北上詩來告別步韻答

之

同心強半是同憂。曾共君山雨夜舟。充隱慚予猶問渡。微
官念子最悲秋。江聲不就還家夢。酒力難扶久客裘。別後
書來輒正發。黃昏臺下意垂鉤。

夏杪伍相庵書至見貽絨裘及丹丸藥物

息機難破伴牢愁。天際伊人仗溯游。牧豕如將終海上。伏
龍何事到牀頭。還金適得延年意。流火先貽改歲裘。六十
名家書一卷。平生惟子冠羣遊。

夢出塞過陰山有感

帝京久未奏涼伊。零涕陰山入夢岐。垂老揚雲不曉事。遠
遊楚客豈違時。南看北斗時誰節。夜問東方白有期。詎意

蝶飛便萬里忘情松影自迷離

過周心赤墓

無勞此地情名賢薄命文人自古然一紙書堪退骨頓百
篇冢不似祁連徒將苦思亡長吉有幾今人愛太玄天自
生才還自殺何當更責世人憐

岳陽旅次

同客故人連日去獨予信信欲如何入簾霜色平明滿隔
嶺江聲徹夜過湘水百篇人易得巴陵近日酒無多歸舟
更問荊州路聞道荊州尙枕戈

訪友人

每因余至一開扉旭日來看落月歸使我重思高士傳見

君多與世人違了無得處才方盡不自由時悟可依爲問
令君香幾日佳言過後倍如霏

柳園小橋初成夜集得城字

乍有小橋接古城感君此徑爲予成
花開不定林塘路雨後應分流水聲
幽士未秋先有怨高人薄夜亦生情
相依肅肅無多語良久同驚蟋蟀鳴

和祖香堂雅集韻

有序

祖香堂周彝仲一家記遊詩也三代一堂倡予和汝時
維佳節人在舟中山水風月之樂無不有之張天如孫
孟樸皆有作吾社諸子羣會昇亦不應異同其閒因思
江左強半姓王可笑也崇禎十三年八月廿七日雨夜

成此

葭菼青青載野航伊人結伴水中央一官同愛歸來柳三
徑堪憐未落桑倦眼舟移岸欲動輕裾花溼露能香全家
不俗三人代和汝倡予到醉鄉

應試別內

依然逐隊駕鳧車先裏乾餼半月餘笈底裁堪一二卷相
如賦共買臣書

中秋前一夕聞天如訃音輓詩六首詩成適孫孟樸
書至天如遺孤死更賦一絕時重陽後一日

卻怪有緣夢李白更憐無後是揚雄兩番佳節爲君慟風
雨蕭蕭客舍中

孫子雙穀 一首

穀字子雙華容人著述甚富嘗雜採舊文分爲四部名微書一曰樊微輯秦漢以前逸書一曰綫微輯漢晉閒箋疏一曰闕微徵皇古七十二代之文一曰刪微採尙書十一種春秋十一種易八種禮樂詩三種論語四種孝經九種河圖十種洛書五種統謂之古微書又著唐紀七十卷以新舊唐書踳駁多其所指摘皆當體例今均佚僅存刪微一種獨被微書之名凡三十六卷 四庫目錄稱其書能使學者生千百年後猶見東京以上之遺文以資考證其功良不可殁朱氏經義考誌緯一門

其所引據出穀書者十之八九則用力亦甚勤矣
先生兄穀字子穡成萬歷丁未進士歷官遼東巡
撫懋亦有文名即與先生及嚴首昇同撰漢唐宋
後三代史者今其書均不傳先生有盤譜藜牀二
集亦未見止得古詩一首華容孫氏世以學行師
表湖湘閒其所著錄見明史藝文志傳是樓書目

四庫全書目錄不一而足今問之鄉人無有能舉

其目者可慨也摘錄嚴平子後三代史序史非一體所能備司馬氏紹年袁氏紀事

二十一史紀人三者相需闕一不可編年之善十

七紀事之善十三兼之者二十一史二十史重

在列傳亦不能無失思兼此數家之長而卻其短
姑舍紀事斟酌於通鑒二十史之開以本紀盡
編年之實錄而以一朝人臣各附本紀之後若兵
刑食貨禮樂諸大典令白成書蓋集二十一史之

書苦志而為一書志也按此書首身自任宋史唐書穀兩漢使其書在當有可觀又孫氏一門皆史才明史藝文志有孫宜國朝事跡一百二十卷華容志孫穀唐史七十卷借借不傳也

讀史

出門生慷慨閉戶傷幽獨展轉閱良史聊用舒心曲豈知古人書含茹多局促金張侈漢爵王謝縻晉祿紛有獨行者嘿嘿隱孳樸文字或浪傳傳聞多實錄當日佚厥真後祺曠誰續所以繁華子赫奕誇人目稷高坐可期何論顏曾跖

文木生爨一首

爨字木生號君山華容人崇禎庚午舉人授四川南部知縣未一月蜀亂賊圍城急或誘之降木生

大書諸葛未亡猶是漢伯夷雖死不從周二語於
官廨鼎革後崎嶇滇黔閒洪經畧薦起之謝以詩
洪知不可強以禮送歸終於家有梅花藁事見華
容縣志雜識而程權齋訪文木生詩序謂其累官
至太常自南詔歸里黃冠野服訪余於石門蓋其
官太常在永明時而縣志故畧之吾楚文獻之湮
皆由操筆者之識闇也可勝慨耶木生爲嚴平子
姊壻亦見瀨園集中

答洪經畧

何處滄桑有定居閒來一任古今漁千秋伊呂誇名士一
點浮雲過太虛

沅洲耆舊集卷第二十八終

翦冰稍擁素娥長共飢寒骨應瘦爲憐今古鬢先皤靜中
試想乾坤意惟有炎涼不奈何

峯頭日日倚重霄一樹橫斜慰寂寥雪尙存蘇武節挂
風還厭許由瓢誰知鐵骨偏丰韻更問冰心可動搖莫向
江南栽處處會將冷眼笑前朝

落花

無言終日蔭芳蹊不禁春風拂又低形影從來親水月升
沉頃刻判雲泥米顛坐上石爲友逋老山中鶴是妻珍重
故人相憶處沅湘澤畔夕陽西

窺園偶爾步徘徊忽訝春深花未開衫袖隨風邀薜荔
霞依杖點蒼苔笙歌別院新調譜粉黛鄰家正祀禩自笑

無功身便退榮衰歲序去還來

一溪彷彿入桃津回首三春卽漢秦
風雨倉皇新政令江山冷落舊居隣
沾泥鴻跡香猶溼逃網蛛絲影未眞
若說輪迴天地性明年顏色倍還人

幾閒茆屋透飢煙止許疏慵白晝眠
處士閑情思作賦貧家春色不須錢
千年能服方爲藥三朵長簪卽是仙
辭葉尋根原有意楊花何故更輕圓

春色自濃花自凋如將舊事說前朝
甘同隱逸漁樵瘦謝絕風流兒女嬌
薄命也曾窺上苑深根尙可倚重霄
自知泉石新成癖偷眼蜻蛉去未遙

屈指東風度已三自憐短髮不勝簪
憑欄閑誦招魂賦隱

凡思同出爾蠶荀令到來香冉冉陶潛歸去柳毵毵顛狂
輕薄俱消盡結子由人笑我貪

案平仲咏梅落花詩至云嶺雪尚存蘇武節挂風
還朕許由縣薄命也曾窺上苑深根尚可倚重霄
知其在必明世必非以諸生布衣終者今仕履本末
既不詳而物人亦無有知其為詩人者可慨也

洞庭秋

素秋月上映湘東光與銀河一派通
浙瀝金風生遠浦分明漁火照孤鴻
新波冷帶峨眉雪小艇虛聞焦尾桐
雲夢無心吞八九移情今日是湖中

八百湖光正在西驚回夢客唱天雞
漁翁篔簹笠方沉網水族衣冠忍照犀
夜月靜宜吹短笛秋風動即帶征鼙
老龍不作堯年怒試聽珠宮奏羽霓

按荆門費思君有石鼓書院照厨令公袁平仲兩
同年詩佛火青燈古殿幽同心相見生新秋身經
多難輕離別道在探山重蹇修我輩版歌增白髮
古人遺恨總清流合江亭畔張韓遊蒸水滔滔去
未休思居字翟如荆門舉人流寓長沙以終有桃
花巖集據此詩平仲殆亦崇禎朝拔貢也石郵集
有送費翟如同年赴玉山幕詩石郵雨中
副榜翟如當與之同舉故亦稱同年耳

陳監軍五歌 八首

五聚字史占攸人崇禎時副榜仕至監軍鼎革後
歸隱築室曰葶窩海內冥鴻之士多歸之有老其
中不欲去者史占資養終身蓋吾鄉之平原君也

西水寺

垂老慵登眺秋清步上方披雲穿野壑過雨立殘陽竹小
吟風細山高入夜涼久憐疏法侶今夕宿禪房

旅居雜詩

三載重傷別蕭條歧路閒秋風寒客路落日望家山小隱
行堪惜太平去不還歸田須及蚤容易鬢毛斑
誤識人閒世蹉跎天柱東乾坤懸戰壘歲月老雕蟲有作
徒孤憤何文可送窮壯心銷欲盡不是舊元龍

早發中湘過周伯孔帆園卻寄

一棹晨風發蓬門對岸封牆垂新柳碧樓映曉山紅花事
春將晚詩情老更工夜來江月好清興與誰同

晚步開雲嶺遙望湘山有懷郭幼隗

少陵詩興近何如懷玉歸來未有書過客爭傳憐洗甲愁
人時望致江魚行藏斗北星辰暗身世天南戰伐餘日暮

衡山顛極目白雲何處是吾廬

憶故園

踏遍高煙洙水涯邨邨鷺老送桐華
巢傾鳥亦如羈旅春去心猶惜落花
伏枕夢隨孤驛遠還山人逐片雲斜
蕭條放廢成高蹈不奈東風起暮笳

怡潭晚步

擁褐行吟遶石田看梅攜杖到溪邊
雲橫遠岫迷僧寺風起寒汀罷釣船
古道猿嘯荒野樹夕陽人度斷橋煙
自憐落魄空留劍惆悵魂消欲暮天

春郊雜詠

罷聽橋頭午寺鐘小窗開處見晴峯
難尋樂土澆苗黍且

就疏籬種菊松別去知交勞寤寐老來日月望從容十年
減盡春宵價一任鶯花眼底濃

周藿園士儀四首

士儀字令公號藿園鄞人崇禎中拔貢遭世亂不
仕閉戶著書作史貫十卷野獲編若干卷書成挾
之出遊徧歷燕齊吳越諸名勝所至皆有題詠有
邁吟秋感杭遊雜詠南行句紀諸集令公之學都
寓於史貫一書王船山先生曾亟稱之詩力少遜
然在當時有盛名令公父祖亦名宿也以歲貢任
常寧訓導罷官後遇亂爲潰卒所掠令公泣求身
代卒義而釋之令公之子某孫某皆有詩名集均

未見涂銓南行句紀序令公挾策走河洛燕趙之墟寄諸題詠者業已刊行尋復自北而南由直沽溯衛河已及舍舟而陸策蹇鄆州邾城道上尋又買舟濁河之浹自河浮淮自淮亂流入江以止於浙其間所歷非一境所感不一清令公家瀟湘衡麓開三年以來楚疆多難故國烽煙天涯涕淚獨攜冷劍孤僮栖泊於湖山之上將古所謂勞人者非耶宜其騷屑不平之氣一於詩乎發之矣

登臨安慈勝寺樓

山色臨高閣來遊偶卜居松孤依徑老鳥疾過檐虛雞犬聊成市城闔半是墟錦溪詢故里何處弔錢閭

野泊

澤國纔依岸鄰舟苦戀羣鄉音驚乍變暮雨碎難聞鳥失前村路檣迷隔浦雲青帘何處有高枕莫辭醺

讀陶密庵先生哀湖南賦有感

蚩尤一夕閃星旗痛絕湖湘劫火時
巨寇滔天誰養就連城瓦解遂難支
箕冠橫帶悲猿鶴薄粉新妝怨輓襦
大帥重來思捲土翻令間左動芟夷

陶五嶽同年與余同出芝田先生之門
不通問者四十餘年今春纔一交臂
悲喜交集歸舟次中湘卻寄盧鄭曾
同絳帳遊中閒慰問兩悠悠每思元
度孤青眼待謁龍門已白頭閱盡滄
桑成幻夢著成編簡擬春秋金風叢
桂遲遲發乘輿山陰放小舟

譚涉園紹琬九首

紹琬字屈懷茶陵人崇禎朝拔貢著有涉園詩草
涉園詩文集甚夥多感時書事之作亦遺老中之

有本末者

聞鴈

鴈行列天半鴈音落草堂行既清以整音復悲以涼喧同
鸚鵡賦噪倍杜鵑傷東南卑溼地連雨暗江光沙平迴浪
險木落逐波颺杜芷摧殘後何地可搴芳攀芳嫌寂寂尋
聲苦茫茫會聞鴈鳥叫哀共夜雨長南北聲相角主客愁
相將我爲北客計歌哭宜審量甯爲垂翅集毋爲奮翮翔
甯爲卷舌默毋爲張口狂君看華亭鶴南天莫飛揚

負米

前此苦追求比肩負米出今者苦飢驅比肩負米入出入
總一途足蘭肩未歇去歲號有秋計口藉存活縣官嚴飛

輓芻粟兩告竭陸運入山城道遠曠時日裹糧滿囊橐前
後跋且躓行營厭脫粟歛揚不遺力重之以杵曰十耗其
六七家量豈不盈公量尙見嗇金粟相隨死嗷嗷勤家食
爰揭青苗錢用舒紅朽積瘡醫快眼前剗心何足惜迴記
前此行泥滯留腳跡爲時曾幾何去來分今昔米出如量
沙唱籌輕一擲米入如藏珠剖腹滴鮫穴丁甯語婦子數
米延晨夕

蛩

侘傺從何觸淒涼只自知長吟隨夜永苦響共秋悲匿影
頻依砌陳情不費詞空山猿鶴噪唱和似相期
豈有離憂癖隨時一放聲迴風音孔激泣露氣難平莫解

曉秋恨誰憐問夜情此心傳枕簟反側聽哀鳴

晚眺

南浦煙將合西山日已斜
蛩情悽晚笛鳥語答悲笳
碧隱江頭草黃垂屋角
瓜莫嫌秋色薄著眼自清遐

新晴

露重猶疑雨煙輕始辨晴
偶逢晨夕異遂覺晦明更
水鳥翻泥舞邨牛負溼行
猶憐江上草向日不能榮

卽事

叱咤誇良吏逡巡媿腐儒
靦顏陳疾苦放舌代追呼
粟死金難問瘡醫肉未蘇
偷閒觀畫壁疑是監門圖

杜鵑

猶是嗚春曲橫將苦調翻誰憐哀吻血灑作落花痕響應
竟夫卜悲迴蜀帝魂厭人頻側耳卷舌到前邨

落花

舉芳惟取新轉眼便成陳墜尙依香草飛猶傍麗人風吹
隋苑綵雨浣石家塵政藉飄飖景掀翻二月春

袁宿遷伯璫四首

伯璫字稚圭郴州人崇禎時以歲貢官宿遷令鼎
革後隱居不出詩不多見

宿上封

竹杖來方廣繩牀宿上封高低黃葉路隱見白雲峯月度
歸林錫風吟隔寺鐘登時塵想寂箕踞坐長松

祝融峯

混沌何年闢蓬壺此地幽客因觀日到仙欲御風游採藥
雲中履捫巖天上頭吾將解世網隨分老丹邱

嶽廟

千里鴻濛一徑開寶花爲座玉爲臺青山頓換塵凡骨丹
鼎長沈浩劫灰金石袖中窺海嶽煙雲杖底接蓬萊強顏
歸路娟娟月立馬峯前首重回

遊嶽

蘿月松雲任往還塵關離卻足仙關羞將白髮纔尋嶽何
用黃金更買山玩世獨餘雙眼在浮生留得此身閑巖前
芝草紛如許早晚來餐一駐顏

陳御史所聞一首

所聞字印水茶陵人崇禎閒拔貢初官崇信知縣
有政聲升署固原州國變罷甲申後起知江夏縣
行取御史戊己以後天下大定棄官歸隱山居二
十年不與人事接有集未見

皇雩歌爲彭延仲作

有序

友人彭延仲吾州高士也典禮日廢古道不復予每傷
之獨於延仲見其大致焉廬墓三年未嘗見齒一也異
母諸弟撫而教之發名成業二也獨居廿載旁無姬侍
三也海田旣徙高隱不出四也藻臣先生氣節千古延
仲當無媿於家聲矣近卜築皇雩山將有終老之意乃

作皇雩歌以贈之

嶽色屹立屏南荒迤邐皇雩氣鬱蒼山靈聳秀毓蘭芳至
今誇說李與張有客棹頭意徜徉雕龍製錦羞負囊尺璧
無意十城償咄嗟風雨臥石牀典禮蕭瑟移滄桑獨築昔
廬墓之傍柏枝哀隕雉兔翔郡人思廢蓼莪章濟濟諸季
分北堂老弱磽瘠戀孟嘗南中莫但羨覽祥廿年炊火落
夕陽近植雲松自引觴有琴不肯歌求鳳噫嘻目送江河
下巨浪巴陵節槩劍含霜漢臣先生曾至巴陵文學至今浩氣滿湖湘

風流雅得延之狂東山煙樹遙相望人隱皇雩其姓彭

案漢臣名應膺以貢官松江漢陽教授最後任巴陵臨藍寇將逼岳端坐明倫堂靜鎮如平日歸里後亂兵至以不屈死延仲名年恩貢生

沈湘耆舊集卷第三十九

闕監軍士琳 四首

士琳字虹叔桃源人崇禎時副榜官會同教諭升
浙江石門知縣歷任監軍道有鐵鹿草

讀岸先兄和新昌熊季垂賦得百蟲聲裏坐

秋石頽垣與澤陂幾回搔首步遲遲銀窗葉墜江楓晚水
閣霜棲竹戶低可有嗚啾兒女怨最多嗚咽塞垣悲六根
莫漫譚空寂底事吾將共汝窺

有口難言只自傷誰能捫舌補亡羊化形只欲專秋夜瀝
隔爭將顛大荒原野蕭蕭天四幕枯荷唧唧水中央未須
蹙額矜零落廿載鄕關古戰場

草根籬落半棲遲大地悲涼鼓吹時有句難猜心惻惻含

情不達語期期和
枯淚漬征人杵
伴月魂銷少婦帷
爭得先生遊象罔
紅塵世外笑嗟咨

荒荒露影暗秋原
賦就難招楚些魂
舌不一根俱是血
聲雖百出總鳴冤
區分強欲欺微質
縷折何知非大言
試聆鈞天仙侶奏
誰憐冷月伴孤村

楊吳氏勲 四首

勲字吳氏武陵人十歲能文學使異其才拔餼於
庠有寂堂集楊文弱自都中寄書里人嘗云武陵
多詩人楊吳氏如枯禪猛棒劈面無情唐汲庵如
東西晉人清言自賞汲庵謂唐訪也其見重於時
如此

老遇堂

六親盈我旁妻子牽我衣本欲同苦辛此去將安歸日出
東山隅正照西山薇荒田又磽确不救十日饑老牛日一
畝耕疲力已微驚蟄始力作夏至草芳菲天命人難齊此
計非吾非以此決西山薇筍甘且肥白首幸相念纏綬開
柴扉

冬將卜居餘仙舟次漳江投寄闕禍公先生

歲序日徂暮舊學潛消退勇知兩昏頑清思惱脾肺餘仙
豈云遠草石吾所愛窮荒是非絕久矣人事廢十年夢見
之置牀安井碓捲衣束殘籍老馬踏破塊頗愛漁梁聲水
激白石碎買舟溯清溪柔纜回狂瀨聚力如風勁篙工執

鼓櫺延泉霜月駛潯陽雨聲大平明渡江來孤城正青靄
迴嵐千丈長景蘿拖微黛官長清且嚴壑粉無狡獪庶幾
餐瓦寒老我此頑憤况有先秦人衣深簪璫瑄何當與之
遊從此聽分北

訪蛻骨鼉池庵

高樹隱柴門綠水橫兩板中有上古人孤雲棲無伴桴庵
迴不開四壁飛奇欵層磴窮攀陟白日忽向晚婉婉不能
歸炊香發枯巘我欲往餘仙百里無飛輓寂寞水石佳願
與同偃蹇歸時兩足罷秋風自飄散

歸蒼山

江上故園好梅花開正繁愁來尋酒盞閑去叩僧門離亂

東西恨存亾骨肉恩底須怨憔悴往事不堪論

易康侯三接二首

三接字康侯號暇齋零陵人著有零陵山水志暇齋詠古詩永州野史畧忠鬼錄諸書康侯性剛介磊落自喜當道求一面不可得亦丹崖翁之亞也

攜柳記尋石澗石渠因得記中石城邨

我尋湖與渠已在十年前但得彷彿之敢曰已確然今來攜記尋記中語堪研或言澗在後或言渠在前一石亘數丈恣意古道眠次第石界之水道故相沿但可尋丈許漫漫卽平田澗渠未遠定前路入蒼然豈能姑舍是而不陟厥顛其上亂雲霞仄險多糾纏或如位置之爰似珠玉編

蒼蒼太古色不散於雕鐫所云石城邨將無卽此偏且與
邨東南澗渠皆在焉溯流尋竹影景外漾澄娟翻視古石
下中幕具清泉俯躬一鑿之天光前際穿循行舊遊路厥
流復涓涓岸石除未盡石斷土爲連誰澗與誰渠疑情莫
過懸謹以告來者不離汝邨邊

浮洲

一洲新夏綠我意俱無窮水碧瀟湘路林幽竹樹叢醉能
哭阮籍饑可驅陶公且共乘歸興蒼煙晚棹中

何退然大晉六首

大晉字退然道州人仕履無考楚風補稱爲明末
鄉舉檢通志選舉崇禎己卯有何之漢道州人無

大晉名或甲申以後榜也詩亦不離竟陵流派爲
剛節存之

晤孤生於汝元池館

幽閣臨水涯檻閒飛靜鳥林木秀非一琴書音了了傾尊
念主人解帶忘憂怕狂欲誅豺狼微或思窈窕炎暑逸豪
邁遠情借瞻眺云歸景已西過橋新月小

丙田寺訪孤生

早起爭霽光春山不俟約新尊宜舊知好懷方躍躍此徑
隔年經獨憐春寂寞竟日閉門眠畏茲風雨惡

宿歐陽氏茆齋

草堂休問主狼藉有殘書靜夜秋如到空林月頗餘園蔬

因客翦池水爲蛙漈暫息同棲鳥孤清亦類余

七月送銘石去衡陽

自注時白子舉子姻於衡遂歸武昌

以子詩文意相攜只一琴所言皆世外詎欲各歸尋兒女
生人事桑麻故土心日行何默默留恨指層岑

九日登止峯隨過鳳山庵

霜淨邛邛事重陽何可閑暫紅顏借酒多白眼須山眾鳥
先人集孤僧遲我還遂攜餘興遠隨步轉谿灣

松濤

作止天然韻徘徊片息休陰深朝欲晦幹老氣難柔海國
曾聞夜江城已到秋十年身不客恍惚對潮頭

羅克生楨三首

楨字克生衡山人隱居南嶽精修元理善劍術工
騎射嶺南何不偕陳元孝嘗主其家亦奇士也詩
格老到惜所傳不多

登觀湘塔

金沙百匝爭流水芙蓉一朵凌風起誰移天南第一峰微
茫壑影奔江渌芳樹經秋葉漸移履下乍聞鴻鴈歸交南
萬里晴烽息蒼梧一片白雲飛城裏喧闐猶白晝已覺殘
陽低向後六合忽開嘯阮稀我騰而上與誰齊注目寒江
詩興滿欲尋舊韻偶無題朱鳳晚來踏徑側竹實疑銜天
柱棲

毘廬洞

避俗藏幽壑開軒聽落泉雲晴山失翠石激水如煙犬吠
風搖葉猿悲雨過天靜中人自古驗罷只貪眠

寄九龍益鐵庵頭陀

欲覓無生路曾同訪岳遊借山埋俠骨倚壑寄虛舟世事
逐雲散壯心先老休秋風如可待翦燭話層樓

周宜一侯二首

侯字宜一號乳庵湘潭人邵武守之基幼子以薦
授攸縣教諭遷推官未任宜一貴公子性豪爽折
節讀書矜尚名義楚中當事嘗表其門曰德行文
章第一己丑之役殉城死於泗洲庵湘潭志入忠
義傳詩染竟陵習氣太深偶存一二首以見當日

風尚如此宜其來外人之培擊也

友人遺予一鹿馴之

置爾雪堂前增予林莽意林深方適汝此豈宜汝地非我
設藩籠世事皆此類飼爾峰頭草山山損青翠豈無野田
芻飯牛所有事展轉飽飯閒何者得爲義上堂白老母無
甯使之出還彼青青林曠然釋物累

選定謝仲玉此園詩

柳與春相逼君詩當異書肺腸仍是汝筆墨不欺余時取
花同坐閒將夢與俱每拈多自得想見避人初

赤壁鍾叔疇見過信宿乃別

落落從來古道尊念余非客卽關門君當初晤生情性來

似重過理書昏獄氣不邀雲自往庵燈未報佛無言遲遲
信宿存冬致河上輿邊有弟梟

張國瑞一首

國瑞字靈聚長沙人

山居

避暑深林結草廬襟懷懶與世情疏丹山碧水從吾好野
鶴浮雲儘自如邨僻恰同僧博飯窗閑長喜雀窺書晴陰
何必尋陶甃半畝瓜田日午鋤

周聖權一首

聖權湘潭人

己巳春日同譚友夏謝仲玉伯孔兄宜一弟秋若姪

遊萬樓分韻得流字

岸花明媚接芳洲三月江風送客遊
臺閣初成延勝蹟山川有待識名流
野煙窈窕村中樹帆影參差檻外舟
清絕瀟湘堪唱和競將韻事一時收

謝錫裕一首

錫裕湘潭人

遊白雲庵

碧氣散羣芳含靄林木秀蕭蕭
野趣繁步隨白雲逗幽光映石陰
層巖百態伏延覽生曠懷有僧卓
孤岫自言看雲來衷藏無所叩絕口
不談禪枯坐消永晝

沈湘耆舊集卷第三十九終

沈湘耆舊集卷第四十

新化鄧顯鶴湘臯編輯

鄞縣沈道寬栗仲校訂

蔣天植之藁 十四首

之藁字天植號湘門湘陰人幼善屬文有羅江才子之目蔡江門先生尤重之與同郡趙友沂郭幼隗齊名性豪邁喜結納與遊皆當世賢豪處亂世汲汲以澄清天下爲己任甲申後崎嶇戎馬以勞卒於粵年三十三著有江聲二集四如小草楚風補謂其年十九死於寇殆傳聞之誤也詩才與友沂匹而沈摯過之其送青原和尚詩云容僧便覺

天恩大出頂方知佛法寬具此眼界宜其睥睨一切也

善哉行寄趙洞門年丈

去日莫論來日大難憂心可藏髮白難刪解一河大多水山

大多雲周王多道列戟射君解二柳季掩戶釁出中堂福來

千里禍起蕭牆解三斗有美酒盞有肥羊君子豫悅小人猖

狂解四黃鵠知春鴻雁知秋時過不返水去難收解五蜀犬吠

日吳牛喘月少見多怪嵇公眼白解六食梅苦酸衣葛苦寒

不可告人徒傷肺肝解七

懷王山長

記得尊前約重門深數過每逢落葉處無奈斷腸何山意

隨松古秋聲入雨多
衡陽雁迹杳回首趁滄波

趙石君郡守招同謝孺玉郭幼隗姚緯子席上分韻

賦水仙花

寄傲孤霜下寒姿亘月低
翦冰難著色搔玉不勝迷
支影凌長夜分香墮素泥
盈盈誰共語贏得墨花題

贈蚊

與子原無舊年年過草堂
夜同人就枕秋與雁還鄉
引類妨孤影微吟訴別腸
自然饒蘊藉不是趁炎涼

中洲早發同吳學受先生趙友沂郭幼隗梵公上人

暮抵星沙

短鬢荒郊弔采薇
征帆有伴願多違
偶談國事千秋淚同

梁湘煙六月歸戰氣古城忙客屐江聲破舫溼僧衣名山
大業催年老已矣吾甘坐釣磯

登飄峯山

杖底峯如玉女開青鬢纍纍對前來嵐生古洞千山雨瀑
觸深谿萬壑雷定後遠神棲島嶽醉中清夢到天台癡情
自負多奇癖聘得青山佐酒杯

飲郭幼隗山莊

春水盈盈起綠蘋一尊移話共南鄰人間欲殺狂爲累世
外相知貧是因野叟密談分菽粟素心閒伴數昏晨銜杯
張目看天地判與連鴈決十旬

二十六灣夜值黃仲霖先生初度

湘浦漁燈列晚洲。隔村明滅照仙舟。接天嶽氣支高影，宗海江聲滌遠流。眼底近看新日月，名山自有大春秋。淩煙伊古多耆耇，今日輸公正黑頭。

答吳孳受先生

涼雨微吹衆動生。冢中退筆十年情。抱經休夏依僧屋，望遠懷鄉聽野鶯。稚子畧能呼棗栗，窮軀今漸解樵耕。桑門石榻渾無厭，洗盡燕吳舊客名。

送青原無可和尚

萬緣收拾上蒲團。春夢如今興半殘。清淨莫畱文字障，頽空悔冒宰官餐。容僧便覺天恩大，出頂方知佛法寬。嶺表煙深難住錫，好攜明月度湘干。

送別對陽歸沅江

山居夢不到官衙千里沅湘路亦賒豈謂須臾殘漢臘猶
然坐看故園花癡頑陶令經年醉老大張郎八月槎自注
子新婚時陳同伴阿誰悲往事英雄回首漫咨嗟

紀夢

記得當初夜讌時燈花樓上襯雲衣漫要秋色閒來往蝴
蝶經年去不歸

生別吞聲近十年騷魂幽赴正悲咽誰教陌上黃鸝噪喚
醒離人一夜天

江南行

江南年少酒家過下馬傾尊索酒多寶劍脫來隨意贈揮

鞭長嘯指天河

江南女兒貌如花
手勻輕黛新月斜
千乘萬騎盡回首
不知心事託誰家

鹿崖先生鄧祥麟七首

祥麟字玉書一字子與號鹿崖武岡人一作新寧
人官岷藩長史或曰官審理工詩善畫書法絕類
二王鼎革後結廬新寧之石田鷺峯山下日夕吟
咏其中時釋一念以上元將家子祝髮南嶽寓新
寧獅蹲閣先生與爲方外交垂三十年一念死哭
以詩并編其集弟祥鳳字子威亦善畫能詩先生
手跡在新寧頗多人不知惜吾友歐陽礪東紹洛

館其地見而寶之士夫家始有收藏者往昔礪東嘗爲予言先生哭一念詩存老僧月照手嘉慶間余客粵歸過夫彝從照師乞得之急裝池成軸遍索海內名流題詠按先生此卷結銜書辛亥二月以其時考之爲康熙十年距今纔百五十年州人已無有能舉其名姓者檢舊志亦不載獨賴此數行詩跡歸然於兵燹風霜之餘然非礪東之賞識照師之珍藏及余之搜求好事再越數年將遂化爲煙雲而子與名氏長湮沒不彰矣可勝嘆哉此詩之存安知非鬼神呵護之靈有以默相之也余得此卷時旣書其後復係以詩寄示礪東詩云獅

躑躅閣上古禪林照眼虹光喜獨尋一紙存亡銅狄

淚百年興廢老僧心襄陽耆舊無家傳宋室遺民

有谷音等是鄉賢文獻感愴懷先緒更難禁今并

錄於此又附錄時賢題贊於左善化唐方伯仲冕

梓里舊都梁遺老得高逸後賢思表章釋儒同古

義紙墨至今香吾欲作衡疏登之金簡旁歎縣程

侍郎恩澤詩云飛騰灑落老尊師邂逅夫彝大主

持只有伯牙堪贈客誰教齊已並亡詩蓮潭中印

同行影芋火旁懸絕妙詞珍重剔苔成秘呪感深

朱鳥亦能知字逸詩清人磊落蒼茫一頓至今聞

能吟誰識連文鳳感舊偏悲釋貫休事去劫灰餘

冷淚時來寶月入冥搜先生有志肩文獻無限沈

珠待網求諸城王大令金策詩云都梁風雨點曉

鷗古剎重葺感昔賢亥首蒼茫前甲子斷鍊零落

古雲煙英雄退步終歸佛遺老風流半類仙百五

十年今若此千秋能得幾人傳寶山毛文學嶽生

詩云楚人哀怨空長諷耆舊襄陽未續書豈意身

全兵燹後卻畱詩出劫灰餘古來塔廟多遺老盛

世文章重隱居崖徑松杉應好在殘篇時為護精
 廬奉新張大令收庚詩云向秀山陽笛銅仙辭漢
 歌故山幾風雨有客獨搜羅楚澤幽憂古都梁香
 草多生平弔原意對此亦摩挲紫縣俞文學正變
 詩云刻詩存道安微詩弔寶誌遺棄一世閒乃有
 千秋志風雨漸消蝕竹徑迷荒隧難得有心人重
 搜長史義奈何言佛家謂不立文字感此讀鄧詩
 鄧詩勿棄置黔南劉太守廷謨詩云世外禪交重
 生死盛朝遺老費搜尋摩挲典午逃名跡惆悵零
 丁去國心月照僧成真護法風流客是大知音傳
 來詩字人三絕展卷披吟思不禁寧遠楊上舍季
 鸞詩云都梁有遺老道迹在伽陀落葉滿齋寺白
 雲寒澗阿古香零墨在誰復重摩挲難得南村叟
 蒼涼秋意多山陰邵博士梅臣詩云論交世外想
 當年泉石相忘雨露天詩妙卻隨雲共散心空還
 與月同圓人間知己談何易紙上精神信可傳我
 亦都梁舊遊客畫圖他日紀三賢博士並為余畫
 三賢圖謂子與詩迹得傳皆余與惘東及照師云
 人之力其意為尤厚也道州何太史紹基詩後幅
 云何來塵積發古紙令我眯眼驚虹光陳公草堂
 句凌亂鄧子方外吟淒涼聖朝寬大活遺老幽室
 不艾蒼松蒼遂令狂文破筆恣雄怪至今白雲阿

謬名山藏唱哉奇賞洵嘉節乍覺百世如同堂鄧
縣沈大令道寬詞云勝朝遺老迹甘爲山澤
老淚輕彈只爲齋天釋道安清詩一紙天付同宗
子壽子顯晦因時賴有神靈謹護持錢塘屠太守
悼贊云一念不忘一念不起念起無念我喻厥旨
念切君父念超生死南嶽老僧岷府長史空山寂
寂逝水滔滔龍戰未息冥鴻自翔野無遺史名晦
鄉里論世知人此卷不燬臨川李侍郎宗瀚題幀
首云此卷爲武岡鄧子與先生輓一念和尚詩蹟
子與名氏不見於志傳其樂與方外士遊並敘其
締交之久而倦倦於其身後之名高情古韻相賞
殆在松石閒不第詞翰之足存矣吾友湘臯留心
文獻得此紙於寺僧旣爲卷自識於後復索拙書
標首坡公云一紙清詩弔興廢塵埃零落梵王宮
又云問君乞得良有意欲將俗眼爲洗滌滌墨緣契
合亦君家可紀一事也桐城吳春麓廣枚跋畧云
鄧子與先生高情逸致接迹騷人其詞翰流傳久
而復晦湘臯尋訪遺蹤篋而藏之走數千里索同
志咏歌題跋遂以大著信哉神物之顯晦有時而
契合之緣非偶然也桐城姚石甫瑩跋畧云子與
先生輓一念和尚詩格清迥絕塵書法尤道潤洵
墨寶也湘臯以先生名不見方志乃裝潢此詩成

軸自爲之敘索題咏以永其傳湘潭張蓉裳家集
跋畧云子與先生真迹寓奇氣於秀韻今方志佚
其傳湘臯既得之徧丐諸名公題識頃與余相聚
長沙出此相示其用心洵足千古矣同里歐陽惲
東紹洛跋畧云余以嘉慶丁巳見此幅於夫彝僧
壁以謂詩格書法俱非近今所見屬寺僧珍藏之
嗣於門人鄒氏宅見所作佛座工筆及書東坡怪
石供井同陸康侯聽雨詩及序無不精妙者竊嘆
吾鄉前輩風流如此今忽忽二十年矣嘗以語湘
臯比歲湘臯自粵歸竟搜求得之噫人間尤物涸
迹奴隸間而不見知於人者多矣此
卷乃爲湘臯所得湘臯真有心人哉

輓一念和尚有序

和尚出金陵之上元世承指揮使中年以甲申之變祝
髮南嶽卜樓新寧放生閣近三十載余得爲世外詩酒
禪交亦將二十年短髮蕭蕭手眼高脫而興之豪俠曠
達直欲杯塊湖山一粟世界當路甚器之似不可多見

昔有詩二集剛謀壽梓於庚戌十二月十四忽圓寂於
本閣之方丈年七十有五禪室之香燈無恙而余去此
老友矣因爲詩以哭之付其門人性潤性受性定勒爲
一卷遇名公巨卿騷人墨士或詩賦或贊銘潤等三人
當頂禮而徵求之并刻所遺詩集爲千秋淨業和尚雖
死猶生也余弁言於首者蓋瓦缶先投以代乞珠王之
意卷成卽付住持藏之本閣什襲以珍衆等若挾爲杖
頭遊具則有罰

相逢廿載不言家頗道鄉園近雨花老向金城常賣藥閒
依石鼎獨烹茶窗櫺尙放江光入几榻猶邀竹影遮滿室
香燈歸幻寂春風一塔繞嘯鴉

自稱萍秃過夫彝世外禪心結故知拉飲慣香淺尤酒拈
題多逸水雲詩身懸一衲開金碧手握三車任指麾幾度
夜深同不寐蓮花潭上月明時

月夜禮和尙塔

平生君愛竹塔在竹陰中冷泊枝枝月閒敲箇箇風可能
移酒甕何處覓詩筒指爪畱泥雪鴻飛想亦同

冬日遊溫泉洞和石壁原韻

鬼斧鑿雲根空靈妙吐吞冰花鑄石榻霜葉繡崖門秦漢
燁霞氣嘉隆筆墨痕洞天堪日月酬唱到黃昏

已未五月徐慧明禪師登燕子峯訪余時余避兵峯
上師亦避居湯家砦從閒道至峯喜賦一律

獨洗塵中意同邀世外心孤危原自許險阻肯相尋石曰
添茶色崖門就竹陰紛紛今日事默坐訂禪音

挽慧師有序

已未七月二日師自金峯下竹樓辭余返砦余送之半
嶺哽咽不能別時方立秋日也師禪心道意迴絕一時
不肯從熱竈裏覓生涯嘗向冰雪中討消息其染翰敲
詩機鋒戰伐他僧殊遜焉洵與余相知之深者奈何八
月遽歸道山矣雲碧其萎感慨何如爲賦挽詩以告其
塔

送別恰新秋涼風挂杖頭禪林期數往貝葉擬重修

自注
擬寫

金剛經

竟入無遮室俄登大願舟烹泉誰共語歎息舊松

遊雙清亭

二水分流繞碧山孤亭坐對六亭間
拳檜怪石披雲褶眼洗空江抱月灣
修竹入筵環佩綠老松橫檻羽衣斑
何人物色昭陵勝謝句驚人滿座寒

余既得子與先生挽一念手跡復從新寧鄒秀才道聘得冬日遊溫泉洞和石壁原韻及己未五月慧師見訪又挽慧師遊雙清四首亟編次茲集吉光片羽可寶固不在多也道聘即瀾東所稱鄒氏宅主人問其所藏書東坡怪石供及同陸康侯聽雨詩又不知何往矣道聘又貽余工筆花卉四幀澹雅有古趣先生弟子威筆也此等寶玩奈何日沈霾蠻瘴中不見知於世耶

卉生先生鄧林材一首

先生字卉生明季諸生為先高祖聖楚府君從兄

尚稱二村先生精天文步算善占驗府君知世將
亂每戒之自晦癸未之變府君兄弟夜坐庭中先
生仰視絕叫曰長沙城陷矣將柰何已而果然乃
相約逃遁鼎革後隱於農具逆踞衡州爲僞將軍
某所跡脅以官以計得免詩不多見僅存一律

卽事

不能逃此世無地掩柴扉官路多豺虎空山少蕨薇一經
真鹵莽萬事總乖違已分甘肥遜何方可樂饑

王稚潛嗣竑 八首

嗣乾字稚潛邵陽人幼與其兄嗣翰齊名久困場
屋南都立兄弟同舉丙戌鄉試旋棄去著有黃雪

園集先生性豪俠負氣敢言遭時多故坎壈終身
與潘章辰夢白車孝思郭幼隗諸老先友善皆前
朝遺老也詩雅潔高老格律渾成一時名流未之
或先余尤愛其送章辰兄弟歸威溪詩感愴悱惻
深情古誼在筆墨之外以是歎吾鄉前輩善人君
子之多流風餘韻爲不可及也

過北塔新庵

江岸迷初徑平沙經漲厚兩水界城市數峯列戶牖如對
話前生壯顏皆衰醜只愁妨靜禪船舷憂左右萬木斬伐
盡松柏如失友不無呵護存畱此表林藪悲感與衆願消
歇安忍久魚磬六時聲過者一回首雲臥先秋寒秋濕落

白後

仙泉井

窮巷隔輪蹏山川頓幽異雲泉何所分竹木森位置爲園
臨江干取徑繞僧地反似兼有之隨意過香積涓涓月明
中清夜迴聽視一盞入肺腸微風冷然至至今不辨處彷彿
猶堪記汲者日幾人誰知詢往事

同錢開少車孝思郭幼隗諸君遊白雲崖

同來五六人攜興恣吟眺攀躋有時疲輕疾羨猿鳥聞有
挂崖藤與石相繚繞翦伐憾庸僧龍蛇失夭矯一時存口
誦吟賞出意表片碑覓舊處幽映但蘿薦不知已絕頂平
臨看木杪眼光豁然開予懷茲浩渺

戊子潰兵之變焚掠甚慘舒若訥赴其尊人慎吾丈
於火井罹於難詩以哭之

按若訥名心忠兩浙轉運副使有翼子轉運卒於潰

兵之變若

訥殉焉

一門忠孝盡流嘆咽山泉此世自難住爲生返可憐親恩
同佛報國難豈家全火宅作何覩夜臺已渺然鬢眉餘古
照氣烈上秋煙事似悲前史難爲兒女傳

五臺庵同劉澹山茗話候月示山楞和尚

寒煙暝遠岫積水映空林不共今宵話難消隔歲心月遲
人未靜僧定夜初深莫以安禪故繩牀謝苦吟

東山書院訪車香涵

佳日逢幽侶笑談風雅存甌香先穀雨幔捲入春暎山水

靜通夢煙花飛到門小舟時可喚白社引清言

九日送潘章辰夢白歸武岡

登高已自謝才名詩卷相看氣漸平
乍笑鬢眉同洛社且忘風雨在彭城
河山漫送羣公淚絲竹難陶晚歲情
世事未堪容久住各攜歎息返柴荆

宿荷山與迦毘盧國僧夜談

問師何事渡流沙足半名山願尚賒
每入雲嵐尋淨地卻將戎馬怪中華
信知石丈能成佛驚看玉蕊疑雨花
自注彼地石化爲佛無雨雪燈火深談如夢裏
明朝去去復天涯

周文愍銛二首

銛字穆生寧鄉人戶部尙書堪賡子南渡後舉丙

汴水書有集卷四十一
戊湖南鄉試戊子與其世父堪賁先後死於賊鄉
人私謚曰文愍子中溥和溥敬溥皆有文名

新漲

懸崖千丈瀑響落半天來散作桃花浪還疑秦洞開
渺渺平蕪水斜侵薛荔牆煙雲迷望處猶見度垂楊

王侍臣嗣翰二首

嗣翰字侍臣邵陽人性奇敏幼從父尙賢官蘇州
因閒讀書白下與海內名流結識著有六聲亭草
延喜堂集石崖研莊諸稿尤善臨池并輯選古今
詩文集若干卷長洲徐元歎波有寄邵陵王侍臣
詩云土壁昏燈雞再曉夜闌樓色轉低迷秋來積

水無情關此夕愁君夢驚溪侍臣六聲亭草元歎
所序也今俱佚

避兵西嶺

原注袁王兩鎮焚殺之慘自冬
至夏從來官兵之虐莫苦於此

戎衣忍作數年殘卷跡雲中笑鵝冠寇至翻能隨地隱兵
來殊苦置身難草堂仍借溪聲住落葉曾同秋色看不盡
傷心橋上立重穿崖雪領高寒

楓嶺隱居

小築頻年住水涯環山又認是吾家非緣好事閉幽徑偶
引餘情拾落花未燬琴書消歲月無多鬢髮老煙霞嶺雲
伴我如相得漫學東門日種瓜

張楚士澹一首

澹字楚士益陽人出處無考見楚風補詩止一首
其詞隱約惻愴有長楚詩人之意焉殆亦明季逸
民也

自壽昌渡齊安寄龍君平

洞庭八百灣渡水復渡山與君爲心知杳杳煙波閒煙波
空水積鯉魚日成隊長臨向鯉魚附我相思字鯉魚向我
泣徘徊不敢寄暮行愁網羅朝行畏淘河書歸猶云爾人
歸將奈何

劉調生文鼎一首

文鼎字調生益陽人

奇子素負煙霞之癖作此發之

山鳥尙愛閒庭鶴豈無知日月其不淹負此璠璣姿憤志
入桃源何論魏晉移抱釜楚陸通樂琴榮啟期高尚同如
此世路安復之

談奇子若人 一首

若人字奇子寧鄉諸生詩有寄托惜不多見

七夕

不屬芙蓉花事薰豫沾仙氣雨吹芬

自注是日得雨

春秋一度惟

今夕經緯人間只二君橋畔尙留殘蚌月嶺頭新製楚山
雲天孫此後多從拙卻費河東乞巧文

潘儀制應星 五首

應星字夢白章辰先生弟南渡後以貢生官禮部

儀制司主事性孝友父病篤刲股和藥進創重幾
危嗜學強記晚年益耽禪悅兄弟偕隱與車孝思
王稚潛輩友善皆前明遺老也名所居曰儔影堂
作儔影賦以見志其詞曰界晶眩空兮烏羽翔兮
皎肫絃絃兮兔魄昂兮熒烜支檠兮僂脩乎櫺光
兮憺仰瞻怯顧兮而獨徘徊兮其誰將兮去不可
鑑兮來不可常兮履之靡舁兮揚之靡狂兮抱形
不稅容與徜徉兮肆戀戀亦何傷兮爾旣不時舍
予奚撥撥兮達勿矜詡兮窮勿恇兮庶兩無愧怍
兮始終以偕滅兮著有儔影堂集夢白詩筆險勁
多樣杼生硬之作所傳雙杏行詩艱苦僻澀無一

尋常語其警句云冠蓋威儀肅漢官鬱蔥佳氣通
雲嶺似從地軸翻灰影因向春明亂信風老鸛呼
風鏡沸蟻皴皮溜雨集寒蟲混茫惟聽枯苑爭崢
嶸直接風雲泰卻讓靈椿歷歲長再推仙李盤根
大欽崎歷落皆不徒作又威溪寓感詞意尤倣詭
中有云斯世自能翻岸谷此身甯待振桑榆又云
爛柯叟廣頽屠試問從前事有無金水風輪幾許
大只與人閒作轉轡又云且將十載葫蘆樣都付
雲漢北風圖兵燹之餘破爛無全幅錄其近體五
首以存梗概云

宿北塔

塔勢橫空天漢邊古潭宿雨亦流煙六時梵唄和緇侶十
地清涼禮覺仙樹有音聲曾表瑞花開優鉢未知年相看
彼岸無多隔瑤海春壺處處然

白香湖四首

崖影蒼蒼樹影青白香何處訪湖情偶來識取滄浪面不
與高深岸谷更

漱瀝空光盪壑光蒙茸千古見文章玉蘭亦似梅花白落
到湖邊處處香

一隅滄容小滄浪不是秦人亦善藏可倩靜魂儔水影看
他香色老湖光

蒿侵茅屋冷圖書兄弟何曾是索居讀罷共招山鳥語明

湖香草不睚盱

盧復郎傳來 十一首

傳來字復郎一字念聲寧鄉人崇禎閒貢生楚風
補稱其幼穎慧放誕傲睨一切長而折節讀書日
所言動夜必記之以是進德然疾惡如仇見良師
友異書則整衣冠下拜晦跡養母人勦知者所存
詩不多少沓冗卑靡之態

幽居吟

秋水自淺清秋月自蕭栗中有幽居人坐臥持一帙沈沈
若有思忽忽翻如失懷抱未肯言靜向古人悉寒蟲引微
吟吟來時抱膝一夜涼雨飛橫空助蕭瑟

書感二首步龔孝升先生長鏡此放歌之韻

冥鴻驚弋慕野雉畏虞羅痛飲非無故長鏡可奈何百年
嗟短髮萬事託狂歌安得浮家去垂綸似志和

高歌二首

孤憤誰堪語高歌自寫哀世人幾欲殺吾黨亦相猜短髮
秋霜點寒衣薜荔裁坐看三徑裏晚菊敵霜開
顛毛全欲落短鬢不禁掀山鬼伎應盡慈闈淚自吞砌寒
蛩夜訴爐沸藥初溫黃葉將秋去長封竹徑門

元日

初正何處領韶光風雪泠泠戰竹牀蘭蕊入春未有信梅
花送臘尙含香十年縱飲同長夜此日悲歌叫大荒一縷

寒煙香茗內，榛山苓隰詠蒼茫。

夏日詠懷

靜觀身世等微塵，四壁蕭然未怨貧。
裘馬不誇同學友，離騷偏愛獨清人。
菱荷初服無塵土，薇蕨長餐卽夕晨。
五月涼風高枕後，陶公千載是前身。

喜雨

快雨中宵暑氣徂，經旬肺病亦全蘇。
松樓便擬清虛島，雲閣應添水墨圖。
無數白鷗機共息，一聲野鶴興何孤。
涼風好續蘭臺賦，散步高吟據碧梧。

九日山中候陶仲調未至獨酌述懷

幽居寂寂廢登臨，節物蕭蕭感倍深。
松徑盡荒存野菊，荷

衣漸冷怯寒砧四旬愁鬢逢秋老萬事傷心向月吟細看
茱萸成獨酌懷人渺渺白雲岑

清江相國楊伯祥先生以單兵堅守贛州城破死節
哭之以詩

漳江之水萬派清相國之死千秋生一自出山揮羽扇幾
番叩闕請長纓中興百戰誰名將南渡九州無降兵憶昔
春風叨座末只今秋淚變猿聲

秋盡山居述懷

四十年來磊落身半淹筆墨半風塵自經天地滄桑後長
作煙霞太古人秋後餐蔬煨芋粉冬來圍火剝松鱗清溪
細雨添幽事鷗鷺翩翩與結鄰

歸白山莊復理故園

長年廢宅委山阿，賦得歸來盼舊柯。
椶櫚繞籬松獨拔，蠨蛸滿屋網交羅。
苔餘石髮秋陰密，書展風簷古道多。
搖落故園悲獨酌，涼姿清夜奈愁何。

車秀才萬含一首

萬含字長發，孝思先生子。十一歲附縣學，籍督學。
高彙旃先生拔入三楚文獻館，以潰兵之變遁。孫
山悒鬱而卒。

雙清亭

白公城下總青山，謝客尋幽屐齒閒。
野興接秋惟傍水，暑思消暑幾回灣。
浮湘遍插金聲賦，通籍纔離玉筍班。
賴得

山公爲地主尊開北海意相關

陳筠浦震 五首

震字東卿益陽人崇禎開武舉能詩文家居築樂
蔬園饒有池亭之勝一時名流多觴詠其中流氓
過境相戒毋犯里人賴之有蝶戀花一詞云荷葉
如錢梅子小舊燕新來對對梁閒繞滿地榆錢人
不埽階前雨過生芳草老眼看花花亦好百舌枝
頭欲與何人道今歲春歸偏覺早寥落鶯花空自
惱語饒風趣題云壬戌暮春其時海宇承平流氓
未起可想其幽居之樂又些公集中有同里陳筠
浦舟下武昌連日訪余水上詩筠浦東卿號也

山居暮春五首

行過前村滿徑花晚風吹柳幾枝斜池塘雨後蛙聲急燕子尋巢入舊家

花滿園林水滿陂水邊花下立多時穿林蛺蝶隨風遠白鷺窺魚起故遲

漸見荷錢出小池綠陰深處嘯黃鸝農夫喜足郊原雨聽罷田歌午夢遲

爲惜春歸載酒遊野花何處不清幽遠山看盡行應倦坐聽枝頭喚雨鳩

雨後蘼蕪綠漸生羅衣初試覺身輕夜來春色撩人思開盡梨花月正明

陶幼調汝肅七首

汝肅字幼調寧鄉諸生密庵先生母弟陷賊中死
密翁哭之痛幼調少與兄齊名癸未獻賊僞檄舉
名士幼調與其兄子之典名最著賊必欲得之幼
調抱母哭三日夜曰吾兄止此子吾有三子不憂
死乃謀佯應命迫脅至衡蠟書走江右乞巡撫郭
公師不得達竟死虔州郭公遺書論救已無及矣

家仲兄月夜命酒約同周伯孔登薛花崖

看月臨江好移尊就此山崖危藤影繫溪斷水光環清愛
霜深夜寒忘露立閒幾番念遊事得意不空還

生向此中住胡爲遊屐稀結鄰山水好長歎友朋違十月

雪堂路三家漁父磯大蘇謀得酒不負踏歌歸

聞陳敬輿訃

忽傳良友訃甯忍爲君猜七尺身名浪千秋事業灰天荒
蘭社草鬼瞰玉樓才莫聽廣陵散秋聲倍可哀

郭天門先生以秋興詩三首見示次韻

一葉桐飄起夕波男兒秋思較閨多砧聲響落關山月柳
色衰連塞北河秦馬驕嘶芳草絕楚鴻飛度羽書過中原
底事勞人意欲倚長天奈劍何

計部郭無傷招同周伯孔劉猶伯飲黃鶴樓

江寫秋容瀟一亭高人偶聚只如星雲淨忽度晴川兩日
落猶生芳草青選句已成山水勝懷騷誰占楚湘靈空天

鶴路忘歸去何處吹簫月滿庭

周伯孔月夜訪余涵園出篋中詩草印正酒酣散步

江干

落木蕭疏愛一廬今宵花徑爲君除偶乘興到成佳夕但
使心降勝讀書月下人間兼有竹橋邊霜迹更無車門臨
湘水高人屋莫道風光且不如

七夕同李雲田家十二姪訪湯任卿留飲齋中遲陳
小有不至

尋君喜不負相過階列星辰問夜何草閣無人題鳳字雲
閒有女擲龍梭精神各自成秋水與會誰同作古歌乘醉
欲歸忘去路仙人樓上笛聲多

張元士文解 一首

文解字元白新化人縣志稱其好學深思文行超卓貧居蕭瑟而襟期浩蕩他無考今案李子將學博弗過居近藁有張元士移住南城聊寄此作詩元士或卽元白別字詩僅存古近體二首蓋不傳者多矣

雲山

雲山雲未收山雲半冥漠茲晨雲盡開山山秋景燐我逐晴光上峯影亂飛躍如泛洞庭秋風湧波濤惡時復一迴翔靜思山初作顛氣竦高寒偶爾低昂各俄焉凌絕頂心目又紛若但見四山青不聞水一勺脈邈黃疇閒點點爲

沈湘耆舊身 卷第四十
村落萬疊欲成圍以此遜衡霍

秋日登望雲山

山北移文不到儂登臨此日許孤筇欲看空翠無窮處已
踏峻嶒第一峯嶽色分明開眼界崗雲浩渺盪心胸仙都
不改秦時舊久向盧侯叩隱蹤

朱岷宗企銳 二首

企銳武岡人岷藩宗室子寶慶府志作金尤革除
之際草澤不逞之徒假前朝宗室以號召四方朱
宗子遺人人自危多變易名姓以圖存金尤卽企
銳蓋析銳字爲姓名也

巫水

巫山一綫水西向縣門流激浪摧沙岸穿雲下蓼洲琴堂
宵映月山郭日沈秋好傍隄邊柳看魚上敵樓

雲山煉丹井

絕頂池開一勺秋丹成拋去亂雲收蒸然忽起空山滿七

十二峯翠欲流

陳布衣王箴

一首

王箴字靖辰邵陽諸生有俊才性疏放早棄巾服
著有蓬轉集

資江夜泛

曠色初迷郭江頭正泛舟涼颺起蘆荻遠火出汀洲征雁
宵爭度殘螢水共流愁心不可盡前路尚悠悠

劉隱士春萊 三首

春萊字芝侶武岡諸生性癖懶不樂見貴人有當
路欲物色之逼見於麟趾閣芝侶跳而避竟跛時
呼爲跛仙詩多散佚

雲山雜詠

修不從聞思鐘亦遺人籟聲仍在雲中聽將落雲外
不見凌空仙攀行樵牧子跨向萬峯顛渡雲不渡水
何時曳杖遊遺履黃盈尺仙跨石如雲亦踐雲如石

晏隱士際盛 二首

際盛字湘芷一字湘君新化人崇禎時廩膳生性
孤子與俗寡諧好詩古文詞 國朝初景陵周蒼

澗澤長荆門黃晉問士珩先後爲新化校官湘芷
俱與之唱和甚相得方志稱其早卒今案黃晉問
官新化在康熙四年其時湘芷猶健在考順治中
歲貢多明季廩生今府縣志選舉表獨無湘芷名
而康熙時府志載入明代知其棄巾服爲已久矣
又其時有張聖型聖域者兄弟皆有異才躬耕偕
隱著作甚富聖型字子疇以歲貢官連山今著有
江梅長嘯集百粵吟燕臺楊柳近詠聖域字定遠
以拔貢官萬安令鼎革後棄官歸經畧洪公遣材
官車鼎英徵之不就兄弟結茅巖塘不入城市者
二十餘年著有解盲居集風塵浪語物情鳴客裏

吟求志屈集出處合編歸裁篇碧山草又域兄垣
弟陸皆能詩聖域尤善畫當時有一門高士之目
今其詩無一存者吾鄉文獻之湮如此伊誰之責
哉可慨也已

喪亂以來學宮鞠爲茂草今邑侯于雲賓學師周蒼

濤兩君協力修復落成之際感而有作

按于名肖龍內鄉人

吾道久寂寞斯文或在茲有梅稱古邑是廟嚴先師兵燹
摧城郭風霜薄席帷經營勞慘澹指顧失欽熾意自爲心
匠孤能破衆疑神明還舊觀矩矱仰前規文物王侯備威
儀里巷知諸生爭致魯逸老漸歸夷松檜霜凝後鐘鏞響
靜時望洋空佇立嗚咽賦新詩

石舟

垂楊一繫故園秋，藏壑深深水自流。
風雨拍天看欲動，有人解纜泛滄洲。

鄧石浪天錫

五首

天錫字培生，號石浪，湘鄉人。官廣東揭陽縣典史。
廖大隱楚詩紀謂其官象州司馬。監紀督糧道與
縣志異，未審何據也。國變後，縱情詩酒，所居有紫
雲峯，自號紫雲樵者。著有雪濤園集、逸遊草、石浪
集、石浪籍甚。詩名有山居秋感百首，甚傳於時。今
閱其詞，頗多淺近率易語，故止存五首。

山居秋感

四休與我正相宜竹戛松聲當鼓吹半榻清風三五月數
行雁字古今詩村頭誰是山林主江上頻多螭蚌持消得
壯懷聊復爾杜陵秋興不淒其

久矣家無儋石儲衣裳雲臥渺愁予手裁蘿薜凌霜晚句
綻芙蓉映月初舉世吹竽誰好瑟有人彈鋏豈因魚銜杯
莫惜瓶將罄中酒支頤試檢書

莫笑蒼顏似凍梨攢眉雖縟豈輕低東南地缺誰持軸歲
月愁長我灌畦但得偷閒容此膝何曾送客過前溪秋光
收入奚囊內翦就蟲吟待品題

林柯落落不栽花且摘秋肥五色瓜好月欲來煙拾去片
雲將近鳥銜斜無端短髮窺鸞鏡幾度深山說虎牙澹薄

甯甘羞可拙作糜無計學蒸沙

烽燧連年半輟耕每將茗火煮殘更無田菰米隨波結失
戶莎雞傍草鳴山遠江楓人未到秋高沉芷夢難成君平
卜肆談忠孝回視滄浪好濯纓

沅湘耆舊集卷第四十終